

Mester di un investigacion na Salubridad Publico

ORANJESTAD (AAN)- Tin hopi asunto cu no ta bayendo segun ley y reglamento na Departamento di Salubridad Publico, y como tal mi ta desea un investigacion tabata palabranan na DIARIO di un medico masha conoci y aprecia den nos comunidad.

No ta prudente pa menciona nomber di e medico, pero si pa

trece e puntonan cu e medico ta desea pa ser investiga.

Segun e medico Ministro actual no ta completamente na altura loque realmente ta sosode na e departamento aki.

Cada un medico ta traha segun su deseo, esta no manera tur otro trahador di Gobierno cu ta ser controla. Tin cierto medico cu si ta mantene nan

mes na reglamento di trabao, pero tin varios cu no ta cumpli cu esey, entre otro e asunto di Medico na Warda. Tin medico cu no ta cumpli cu esaki ningun momento y te hasta nan no ta ser localiza ora cu mester di nan. Na varios ocasion Polis ta pasa trabao pa haya e medico na warda y si e no por ser localiza ta un otro medico cu no

ta na warda mester atende e asunto, y asina por sigui menciona.

Otro caso, mediconan ta bay cu vacacion casi hunto, recientemente tabata tin asina tanto medico cu vacacion cu tabata tin distrito sin medico pa basta dia.

E asuntunan aki ta tristo, pero asina ta, mi no ta contra coleganan Docter, pero mi ta haya cu tin cierto abuso ta pasa cu mester ser debidamente investiga.

Asuntunan di carchi di gobierno tin cierto Docter cu ta negligisha e patientnan, esta di e patients presenta na e clinica e Docter ta bise cu awe no ta dia di carchi di gobierno sino manan, y como tal e patients no ta ser atende ariba e dia cu el a presenta. Cosnan asina ta

sosode cu frecuencia y mester ser investiga.

Docternan ta haya tanto kilometro paga pa uzo di nan auto, pero na hopi ocasion nan no ta sali for di nan cas pa atende patient, pero nan ta pidi personal di ambulancia pa busca e patients trece na e clinica y nan mes no ta sali cu e auto cu nan ta haya cierto pago di gasoline pe.

Na varios ocasion e ambulancianan ta daña, pero ningun hende no tin e mayor idea pakico, pero si mira realmente nan ta pariba pabao, pazuid pa noord ta core cu hende malo.

Tin varios caso mas cu pronto lo mester ser investiga sea pa e Ministro actual of e Ministro cu pronto lo bay tuma e departamento aki over.



Diabierna 30 di December tabata tin firmamento di e ultimo acuerdo pa prestamento pa e proyecto Plantation Bay. Awor tur e documentonan oficial ta cla y ta bay cuminsa cu construccion di e hotel. Presente na e ocasion tabata John de Vries, Rijsdijk, Harold Malmberg, Ministro Don Mansur, Willem Smith.

Chofer no a keda contento cu boet

ORANJESTAD (AAN)- Patruya di Polis a nota un auto staciona ariba acera den Emanstraat na altura di Canton Supermarket y tabata stroba trafico sigui move.

Un polis a baha y a duna e chofer un boete debi cu e no a cumpli cu regla di trafico. Chofer R.C. di 25 aña no a keda

contento cu e boete, y lanta cu e polis y a traha posicion pa bringa, y pa colmo el a halza voz cu palabranan menos bunita den direccion di e agentenan, y cu el lo regla cuenta cu e polisnan.

Cu un poco problema polis a hibe warda pa interrogacion.

Na varios ocasion dos ladron ta kibra cas

ORANJESTAD (AAN)- En conexcion cu un denuncia cu a ser presenta na recherche di parti di e homber T.M.M. cu a duna di conoce cu na varios ocasion tin dos ladronnan ta kibra y drenta den su cas na

Willemstraat. Recherche a detene e homber di inicial L.B.S. di 33 aña y nan ta enbusca di un otro compinchi di dje pa duna cuenta di e kibra y robo.

Bij B.J.ARENDSEN & SONS INC. bestaat plaatsingsmogelijkheid voor een

ADMINISTRATIEF MEDEWERKSTER

Kandidaten dienen aan de volgende eisen te voldoen:

- Een voltuioide MAO/HAVO/MAVO opleiding
- Kennis en ervaring van secretaresse werkzaamheden zoals typen, etc.
- Ervaring met computer strekt tot aanbeveling.

Aangeboden wordt een afwisselende werkkring met goede primaire en secundaire voorwaarden. Sollicitaties uiterlijk tot 10 januari 1989 te richten aan

B.J.ARENDSEN & SONS INC.,

P.O. BOX 31

Wilhelminastraat 59, Oranjestad.



**PARTIDO
PATRIOTICO
NOBO**



Number: Spellen, J.I. (Yvonne)

Educacion: MULO-A

Sociale Academie na Hulanda
Certificado Abogacia

Experiencia 28 haciendo trabao social
Posicion Actual Directora di Voogdijraad
desde 1984

FORZA NOBO

Bo Garantia pa:

1. Husticia social.
2. Progreso Economico.
3. Stabilidad Politico.